

TUNNGAVIUSUMIK INATSISILIORNISSAMUT ISUMALIQATIGIINI SIULITTAASOQ:

# Kalaallisuinnaq 2025-mi allaffissulersimassaagut

Namminersulivinnissamut Siumumi salliusut ilaata Vivian Motzfeldtip Danmarkimut attaveqarneq kpitikkusunngilaa Nunarput namminersulivippat

**AG:** - *Suna pissutaasoraajuk kalaalerpassuit kalaallisut oqalussinnaannginnerannut?*

- Oqaatsinik ilikkartarnej tunngaveqarpoq inuup takusinnaagaangagu oqaatsit ilikkagassani pisariaqartillugit. Inuiaqatigiini pitsaasumik ilinniartitaanikkut, suliffeqarnikkut imminut qularnaarsinnaavutit maani Nunatsinni oqaatsivut atunngikkaluarlugit. Taamaammatt amerlasuut kalaallisut ilikkarneq ajorput. Aamma ilinniartitinnit ingerlariaqqiffiusuni taamaappoq taamatutaarlul suliffeqarfinni.

**AG:** - *Qanoq sivisutigisumik ilinniartittariaqasappat?*

- Isumaqqanngilanga taanna piffissalerlugu oqaatigineqarsinnaasoq. Uanga nammineq ilinniartitsinermik annertuumik misillitagaqarpunga aamma ilisimatuussutsikkut ilisimaneqarpoq ilikkariaatsit assigimngitsorparujussuusut. Annertorujussuarmik pi-uamassutsimiippoq aamma inuiaqatigiit aaqqissugaaneranni. Inuiaqatigiit aaqqissugaaneranni oqaatsivut pingaartillugit inissisimatinnikkut ilisimattut aamma ilikkarususseuq qaffanneqarnavianngilaa.

**AG:** - *Qaqugu qallunaat oqaasii Nunatsinni allaffissormi atorunnaarsimassappat?*

- Tassa uagut ersareqqissaartumik politikikkut anguniakkatsinni allassimavoq allaffissornikkut nunami namminersanik oqaatsinik tamakkiisumik anguneqarsimasasooq 2025-mi.

**AG:** - *Tamanna piviusorsiorpa?*

- Sunaluunniit anguniagaq aammalu taassuma iluani malitseqartitsinermik assigimngitsutigit iliuuseqarfigisaaq isumaqarpunga piviusorsiorumik anguneqarsinnaasoq. Nunat sanilerisagut allat apequser-sorneqanngitsumik oqaatsit aallaavigalugit ingerlatsippat. Islandimiut qivarsinnaavagut allaffissornikkut ingerlatsinerat tamarmi soorunami Islandimiut ingerlanneqarpoq. Savalimmiormiut qivarsinnaavati. Uagutsinniit inuttai ikinnerupput kisianni allaffissormerat tamaavimmi Savalimmiormiusut ingerlanneqarpoq. Tassa siunnefeqarnikkut anguneqartartut taamaappat.

**AG:** - *Qallunaatoortarneq meeqqat atuarfianni pingaartinneqannginnerullissava?*

- Politikikkut annertuumik uani qinigaaffimmi tamanna oqallisigineqarpoq uangalu aamma nammineqqissaaq qulequtaq taanna qaqinnikuuara isumaqarama nunami namminermi oqaatsit tassaasariartut pingaartinneqarnepaajullutik inissisimasut taassumalu avataatigit takornartat oqaasiini pingaartinneqartariaqartut tassaasariaqartut tuluit oqaasii. Meeqqanik perorsaaninni pingaartippara meeqqakka sapinngisamik oqaatsinik amerlanerpaanik atuisinnaasasut nunarsuarmi oqaatitaasutullu misigissuteqarnissaminut sakkusaqarlussaasut. Oqaaserpassuarnik ilisimasaqarneq kulturinik allanik aamma ilisimasaqalerneruvoq.

**AG:** - *Qaqugu tamanna piviusunngorsinnaasoriviuq?*

- Uanga kisimiinngilanga. Inatsisartuni ilaa-

sortat amerlapput aamma partiit tunuliaqat assigimngitsunik oqariartuuteqartarput massakkulu naalakkersuinermit suliaq imatut killiffeqarpoq oqaatsinik ilisimatuunik suleqatigiissitanik ingerlatsisoqarpoq taakkulu naliliiffiginiartussaavaat oqaatsinik ilikkalertortarneq sunik tunngaveqarnerooq taakkulu nalunaarutat 2018-mi saqqumertussaajumaarpoq. Taamaalliluta ilisimatuussutsikkut aamma isummorsorfingeqartumik tunuliaqutaqartumik aalajangiisnaaneq piniassammatt aammalu tunngavissaqartumik qulequtaq una oqallisigisnaanaassagatsigu. Aamma oqaatigineqartarpoq nammineq oqaaseqqaatit tunngavissineqarluaarsimappata oqaaserpassuarnik ilinniartoqarsinnaasoq.

**AG:** - *Kalaallit imuusuttut sumut ilinniaqqikk-artortassappat Nunarput namminersulivippat?*

Uanga taanna apeqqut paasisinnaanngisaannarpara isumaqarama nunarsuarmi periarfissarpasuarnik peqartugut. Nunat avanarllit suleqatigineqarni ilinniartippassuit Nunatsinni ilinniaqqikkusuttunut ammappat. Aamma inuusuttortpassuit Islandimut massakkut ilinniartortartarput. Taassuma saniatigut aamma nunarpassuit Nunatsinik suleqatiginnikkusullutik soqutiginnillutik nalunaartarput. Assersuutiginnarsinnaavara Shanghai-miut siorna Nunatsinnukartut ilinniartitaanikkut suleqatigiinnissamik soqutiginnillutik atsiortartortut. Tassuunaannakkut takussutissaqarpoq nunarsuarmi inuppasuarnik suleqatissaqartugut. Aamma taakku iluaniippoq Danmarki imaanngilarmi Danmarki naalagaaffeqatigiinnerup iluani suleqatigiinnaarutisigut suleqatigineqarsinnaanngitsooq. Maanna ernera Londonimi universitetimi ilinniartarpoq, taassumallu universiteti ernertup ilinniartuutigerusoruttaramiuk ilinniartarnerata 60 procentia nammineq akilersorpaat. Tassani apeqqutaaginnarpoq nunanik allanik attaveqarneq, oqaloqateqarneq taavalu aamma nunanut allanut alakkaamaaneq, isumaqatigiissuornerlu. Soorlu aamma sanilerput Canada qanittuaraarakasik. Taassuma iluaniippoq ilinniartippassuit. Taamaammatt eqqarsassagutta naalagaaffeqatigiinnerup iluani Danmarkimut ilinniartortartut naalagaaffinngorsuinnarluta anaassagagigut isumaqarpunga kukkuneru-soq.

**AG:** - *Kalaallit napparsimasut – soorlu uummalluttut aamma krestimik napparsimasut – sumi katsorsarneqartassappat Nunarput namminersulivippat?*

- Taanna illuanut saatillugu oqaatigineqarsinnaavoq. Ullumikkut napparsimasortagut Danmarkimut katsorsartittut nammineq akilersorpaat. Danmarki isumaqatigiissuteqarfigaarput aaqqiissutitit allanik pitsaaneppaatut isigigatsigu.

**AG:** - *Suna pissutaasoraajuk kalaallit ilinniarsimasut Danmarkimut »qimaasarnernannut«?*

- Oqartariaqarpugut ilinniarsimasorpassuit Nunatsinniippoq. Ilinniarsimasorpassuit sumi nunarsuarmi inissikkusunnerlutik kiffaanngissuseqarfivigaat. Pisortat suliffeqarfisa iluani aammalu namminersorlutik oqartussat tamakkiisumik ilaannakortumilluunniit suliffeqarfitaat ilinniarsimasortatsinnik atunerunissaanik oqariortfigisariaqarpugut. Ilinniakkaminik naammassil-

lutik uterpata pitsaasunik atugassaqarnissaat qulakkeertariaqarmat ilinniakkaminullu naapertuuttumik atorfinitsinneqarlutik.

**AG:** - *Royal Greenland Danmarkimi immikkoortartariaqarpa?*

- Uanga taanna kisimiillunga isummerfissarinngilara. Taamaattoq naalakkersuisooqatigiit isumaqatigiissutaat qivaraanni oqariartuutigineqarpoq sapinngisamik qaffasinnerpaamik naleqarnerulersitsinissaq pilersinneqassasoq aningaasarsiornikut immi-nut napatittumik ingerlatsisnaaneq angutserluta.

**AG:** - *Kalaallit Nunaat namminersortoq NATO-mi ilaasortaassava?*

- Isumaqarpunga NATO-mi ilaasortanngornissaq avaqunneqarsinnaanngitsooq aamma taanna Siumumi anguniakkatsinni ilaavoq. Aamma nunarsuarmi inissimaffitsigut ilaasortaasariaqarpugut North Atlantic Treaty Organisation pineqarmat.

**AG:** - *Kalaallit Nunaat namminersortoq nammineq sakkortoqassava?*

- Uanga oqaaseq sakkutooqarneq nunami sorsutuusimannngisaannartut takorloorsinnaanngilara aamma inuusuttortavut sakkutuunngorlutik sorsuffinnut inoqatiminik toqutsiartortussat aallartinneqarnissaat takorloorsinnaanngilara. Aamma nunarpassuarpoq naalagaaffiusunik sakkutooqanngitsunik. Kisianni imartatsinni nunartatsinnilu sillimaniarneq nakkutilliinerlu maannagaq annertunerusumik annertusarlugu ingerlatsararput nunarjussuarnik nunaqaratta. Ilinniartitaanerup iluani naak ullumikkut periarfissaareeraluartoq kisianni uagutsinnoqqissaaq tullaarsakkamik imartatsinnik nunartatsinnik nakkutilliineq, sillimaniarneq paarsinerlu tassaavoq uagut nammineerluta nakkutigisassarpat. Aamma isumaqarpunga qangarsuarlu taanna ineriartortinneqarsimasariaqarluartoq

**AG:** - *Namminersulivinnermi atugarissaarneq annikinnerullissava imaluunniit annertunerullissava?*

- Isumaqarpunga ullut tamaasa sulinitinni maani aamma naalakkersuisut sulineranni qulequtat tamarluinnarmik qularnaarin-artuussut atukkannik pitsanngorsaaniernerup atugarissarnerup sapinngisamik apparartunnginnissaanik qulakkeeriniartunik siunertaqarlutik. Naalakkersuisooqatigiit isumaqatigiissutaanni qulequrtarpassuit Nunatta aningaasatigit immi-nut napatissinnaanerani siunnefeqartumik suliniuteqarpoq. Nunaqarpugut pisuusuterp-passuaqartumik. Aatsitassarsiornermi aningaasarsiornerulernissamut naleqarnerulertsinissamullu periarfissarpassuaqarpoq. Ilaasa imatut nipeqalersinniarsarisaraluarpaat allaanngitsugut meerannguaq pilersugassaq suunngumilluunniit nammineq suuteqanngitsooq. Nunaavugut pisuusuterp-passuaqartooq nunat allarpassuit piginnigisaannik pilik. Pingaernerpaagin-narpoq nunami maani innuttaasut qanoq suleqatigiissinnaatiginersugut. Immitsinut naalleraattuaannarutta immitsinnut ilu-naarfissanik ajattuuttuaannarutta immaqalu immitsinnut isigiuannarutta nunamit allamit pilersorneqartussatut taava isuma-



Kalaallit Nunaat namminersortoq NATO-mi ilaasortaasariaqartoq Vivian Motzfeldt isumaqarpoq.

Et selvstændigt Grønland bør være medlem af NATO, siger Vivian Motzfeldt.

qarpunga ajornartorsiutit tassani annertunerujussuusut.

**AG:** - *Qaqugu Nunarput namminersulivissava?*

- Tassa annertoerujussuarmik pineqarpoq piffissaliinissaq. Ilaai qaqugu naalagaaffinngornissamut piareersimappat, ilai erngiin-nakanneq ilaalu uatserujussuaq. Pingaernerpaaq unaavoq massakkut piareersaatit aningaasarsiornikut immi-nut napatissinnaanermut suliarpassuit inerisarlugit pitsaasumik tunngavissittuarnissai. Taavalu massakkut tunngaviusumik inatsissap pitsaasumik suliarineqarnissaa. Taamaammatt uanga nammineq inuttut uummatiga aallaavigalugu oqassagama soorunami oqariartuutikka allaanerupput. Kisianni uanga kisimiinngilanga aammalu ikaarsaariarnermi kisimiissanngikkuma ataatsimoorinissarpat taanna pingaernerpaamik sullisutiginnissaa pingaaruteqarpoq. Imarisaa ulluliinermiit pingaerneruvoq. Kisianni taava isumaqanngilanga naassaanngitsumik inerisarusaasagippat. Aamma ulloqartariaqarpoq aalajangerfissamik taannalu isumaqarpunga inuiaqatigiit aalajangigisaarigaat.

**AG:** - *Naalagaaffiup tapissutai qaqugu atuuk-kunnaarsikkusuppigit?*

- Uani issiaannarluga aningaasarsiornik-kut aqagumut susoqarnissaa ilisimanagu qaqugu namminersulernissarput oqaatigisinnaanngilara. Suliat tamarnik ingerlapput. Soorlu naalakkersuisut sismat angallaqqammerput nunatta tunniussinnaasarpassui angallallugit. Aningaasarsiornikut ineriartortitsivissat ugartorneqartuarput. Taamaammatt isumaqarpunga suliat tamarnik ingerlasut siunnefeqartumik immi-nut napatittumik aningaasarsiornikut ingerlatsisnaanisamut. Aallartitaqarfinnik pilersitsiortornerit tamarnik siunertaqartut nunanik allanik suleqateqarnermik aammalu nunatta namminersaminik aningaasarsiu-lersinnaanisannik siunnefeqarnermik.

**AG:** - *Kalaallit Nunaat statsministereqassava imaluunniit presidentieqassava?*

- Nunat sanilerisavut qivaaannarsinnaava-gut. Island kungeqarfimmitt qanga ilaasi-magaluarluni ullumikkut nunaavoq namminersortoq presidentilik. Illuutungaani Canadamu qiviarutsigit nuna namminersortuuvooq nunap attavigisimasami kungeqarfianut atasooq. Misissuilluarnikkut, suleqateqarluaarnikkut, siunnersorteqarluaarnikkut siunnersuuterpasuillu qulaajarnersigut innuttaasunik peqateqarnikkut sulissaa-gut.